

# **AKE OUNKCHIYAPI ETKIYA CHANKU KIN HE**

---

## **WANIYETU IYOHI TAKU**

**TATANKAKHCHA MAKOKASHPE IKCHEWICHASHTA KA OTUNWIN  
AKAB MAKOKASHPEPI OB OUNKCHIYAPI HE  
WAZUSHTECHA SHA WI 2017**



## **Waustanapi Opteceda Oyakapi: Manitoba Imahed Okiciuwastepi Canku Etkiya 2016-2017**

“Okiciuwastepi” eyapkin he tokatakiya wokuwe wan ahtanipi he kapi, tukte ohna ikce wicasta ga wasicu kin ohokcida, okcya opiiciyapta kuwapi. Tukte ohan wowicada akiciuhapte, hekta ehanna woustanpkin hena uecetupte, wosice ikce wicasta ahdehewicapkin hena uecetupte nakun tuke ohna tuweg owas akiyeced unpte nakun tuweg owas takukasta optekciyapta kuwapi. Woawanyake Oitacan okiciuwastepi wokuwa wan awaecunpkin he wopaza tokahekiyapkin dena he:

- Woohoda: Okicipuwastepi kin he ikce wicasta nakun ikce wicasta oyate woohoda awicauhapi he un okiciuwastepiwokuwa kin he kagapi.
- Wawiutapi: Okiciuwastepi wokuwa kin he ikce wicasta oiyate nakun ikce wicasta wawiutanya ob wohdakapi.
- Wokahnihge: Okiciuwastepi wokuwa kin hekta ehanna nakun anpetu kin de hanya ikce wicasta ga wasicu toked ounkiyapkin hena etanhan woabdeze ga wookahnihge icupi, he un wokuwa kin de skanpi.
- Waecunpi: Okiciuwastepi wokuwa kin he wowaecon sutaya, ;
- Wasagya kagapi hece sunpa anpetu kin detanhan nakun tokatakiya ikce wicasta ga wasicu hena toked tayan ounkiyapta ustanpi.

### **Okiciuwastepi Wooyake**

Ikce Wicasta ga Otunwi Okodakiciye kin he Waniyetu Inumpa Woskanpi Wooyake (2<sup>nd</sup> A.P.R.), Manitoba makokaspe imahed okiciuwastepic canku ahtanip kin he ohdakapi. Wooyakekin de oukse yamnni kagapi: Wahpeyapi Edetunwanpi Tokatakiya Okiciuwastepi nakun Tokatakiya Etunwanpte. Ikce Wicasta nakun Ikce Wicasta Oyate ob wohdakapi nakun ob waeconpi hena wokuwa kin hed opeyapi, makokaspe okiciuwaste awaeconpkin hetkiya nakun taku atanyeda okisekin hed owapkin he, Tokatakiya Unkokiciuwastepi Kte – Ounkiciyapi Okiciuwastepi Kte.

## **Makokaspe Oitacan kin okciya okodakiciya ota ob waecon ba woskan wan kagapi:**

1. Woaihpeyapi Edetunwanpi – Manitoba imahed ikce wicasta ga wasicu akiyeced wicakuwapsni, Manitoba okiciyapi, oyate oihduhe, woecon, wokage tipikin hena ed, hena toh okehe edetunwanpi. Wawokiya waeconpi nakun wawokiya okodakiciye ota ob taku icyetusni hena ed etunwanmpta woskan kagapi:
  - (a) Siceca ga Tiospaya Awanwicayakapi – Manitoba makokaspe imahed ahas ikce wacasta siceca nina ota siceca awanwicayakapi iwicacupi, Tokienu hecekin he ikce wicasta hekta iwicacube tehan wayawa iyayewicayapi, wasicu wicakagawacinba, ece oihduhe ga iapkin hena akiktunzapi. Heun dehan tehiya unpi. Manitoba wana ikce wicasta siceca ga tiwahe kin owicakiyapi, tuke ohan siceca ota siceca awanwicayakpi iwicacupkin hena unconnapta kuwapi.
  - (b) Wozani Unwastepi- Woaihpeyewan ikce wicasta wasicu wicaakgapta waniyetu ota twhun wayawa iyayewicayapi, hena un anpetu kin dehan ikce wicasta oyate kin siceca awanwicahdakapte kin unspepsni, wicakiusicapi. Hena edetunmpta Manitoba woskan wan kagapi, ikce wicasta tiospaye, hunkupi nakun siceca owicakiyapi tukte ohna zaniya unpta, taku woecon wan tiospaye wozani oihduhe unspeiciciyapta kagapi. Manitoba ed ikce wicasta siceca ga otanka kin woyazanwan woyatke sica wan mini wakan eyapi etan hececapi ( FASD) hena owicakiyapi, tuwe wokazuzu kagekta makokaspe akinicapi he nakun etetunpi, tukte ohan Ikce Wicasta Oyate siceca ga tiospaye owicakiya woicon kin takuda kusesni skanpte nakun ikce wicasta siceca tacan iyecetupsni, oiciyapiokihipsni kahan hena owicakiyapi.
  - (c) Woope Hducetupi Wawokiyapi: Ikce Wicasta, Unspa Wasicu nakun Sni Wicasta Oyate nina ota owokaske tipi ed yankapi, hena wasicu wicakagapi woecon kin aikoyake, wayawa tipi kin hed siceca wosice ota akipapi he nakun aikoyake, hetan wicoicage etatokiya wosice kin he aikounyakapi. Manitoba wicoicage wosice woaihpeyapi ikoyoyakab hena wozani uhapta owicakiyapi, nakun woope kicaksab hena, woope kaksapi etceyatnhan tuwe kiuniwicayab hena tatiospaya ob owicakiyaypte. Oyanke ob waeconunkunpi, tukte ohna taku wowacinyapta nakun wowidaks hena owicakiyapte, woope kasab hena, tiospaye nakun atokan oyanke taku sumpa icakizap kin han hena owicakiyapte. Woopekagapi nakun woiconoyake hena woyawa womanye ga woiukcankin hena wosice akipab hena tatiospaye ob owicakiyapi.

- (d) Ikce Wicasta Waunspeicicyapi Tatiospaye ob Owicakiyapi: Manitoba taku odeba nakun edetunwanpi he taku odeb he ikce wicasta wasicu wicakagewacin wayawa wicakiyapkin iwastepisni hena peyapicinpi. Ikce Wicasta, Unspa Wasicu nakun Sni Wicasta oyate kin hena tayan waunspewicakiyapsni hece hena un wahpanicaita, ticoda, zanisni unpi nakun tiospaye okiciwastepsni.
- (e) Wounspekiyapi Wicakupte nakun Hhtanipta Owicakiyapte: Manitoba hekta ikce wicasta wasicu wicakaga wacin waywawicakiyaba iuwastepsni hena piyapta awaeconpi. Hena taku iusicab hena anpetu kin dehanya nakun htanipte, waihdamnapte hena iwicakiusice, sumpa wiconi aukin hena eza ikoyakapi. Okodakiciya ota ob okciya wikoske, koska nakun otanka kin hena wounspekiyapi wicakupi nakun htanipta owicakiyapi, Manitoba makokaspe ataya.

2. Tokata Un Okiciuwastepi: Okiciuwastepi Canku Oecon kin he Manitoba makokaspe kin he ehanna tanhan ikce wicasta Wiconi kin hehantan makoce uhapkin akan Manitoba makokaspe kagapkin he wayakapi. Woecon kin nakun dehanya hena iwastepkin abdezapi, nakun nihunh hekta ehanna ikce wicasta ob ounkiyayapi ga ob wowapi suta utanpi hena wayakapi. Manitoba nakun taku wayakapkin he Unciyapi Makoce (Canada) imahed wasicu mini wanca akasanb hiihunib hetan ikce wicasta wosice obe nina ota ahdehewicayapi, he nakun wayakapi. Wooke Wokagepi ohna, taku waunyankapkin he okiciuwastepkin he ikce wicasta, ikce, wicasta oyate, ta wooyake, ta oiapi, nakun oihtuhe kin nena woohda unkauhapte, heced okiciuwastepi kin wookihikte.

Okiciuwastepi wokuwa unskanb hena nihanh oihanke ikiyedasni. Okiciuwastepi wohnaye wanzi tinsya unkgapta unkiciuzapi, ikce wicasta, ikce wicasta oyate ob wounhdakapkin han he wookihekte. Takunina unkeyab he okiciuwastepi wokuwa kin de hekta wooke unkgapsni hehanna wokuwakin he skanpi nakun he totatakiya yekte, wohnaye ga wokage unustansni sta. Manitoba okodakiciye ota ob okiciya okiciuwastepi etkiya owaecon skanpi:

(a) Siceca nakun Tatiospaye Oyiciuwastepi-Tehan Waywawicakiyapi Oecon (R.S.S.) ikce wicasta siceca isikcin iwicacupi, ikce wicasta tawoiapi, taoihtuhe, tawoope nakun

tawotatawa kin hena esikcin ahpeyewicakiyapi. Siceca ota tacan, tawacin hena wosice ahdhe wicayapi nakun unge tawiwicatunpi. Nakun siceca ota wayawatipi head tapi, hunkake, tatosipaye nina iyoksidya ahpeyewicayapi. Manitoba imahed, tukte ohan tiosipaye kin hena owicaunkiyapkanhan woasniiyeyapta owicaunkiyapi, toked siceca togahpewicayapkin kin hena sdodyapta owicaunkiyapi. Manitoba ed ikce winyan, siceca kin hena nina tayanawanwicayakapte nakun uwicagya wosice, wokipazin hena akipaptesni. Ikce winyan, unkagapta unkicicunzapi, iyotahan winyan wikoske mawicanupi, tokahunpi, wicaktepi (MMIWG) Manitoba ed hena.

(b) Ikce wicasta woiyekiyapi, Iapi Oihduhe nakun Woaihpeyapi etan ikikcupi – Manitoba ikce wicasta, ikce wicasta oyate iapi, oihduhe nakun woaihpeyapi hdukinipi, ikikcupi hena wokuwa kin owicakiysapi. Tehan wayawa iyayewicayaba nakun wasicu wicakagawacim hena wiconi tohanya iwicausice, ikce wicasta, unspa wasicu nakun sni wicasta kin hena. Ikce wicasta woiyekiya ikikcupi kahan, iapi, oihduhe, woayahpeyapi hena totakeyakte unkahdezapi, otecakin hena tokatakiya uha manip kanhan tayan unpte. Okiciuwastepi canku kin he iapi, oihduhe, woayahpeyapi coda skanpi okihipsni, hena taku Yamini kin tokaheya. Hena un Ikce Wicasta, Unspa Wasicu, Sni wicasta woiyakiya ikikcuba nakun patokb uzapte, teca kin hena unspewicakiyap kahan hena un woiyekiya uduha tokatakiya manipte.

(c) Wowicakiyakapi nakun Wauspeyewicakiyapi Okiciuwasteptaun- Ikce Wicastapsni hena Ikce Wicasta, Unspa Wasicu nakun Sni Wicasta ehanna wooyake, oihduhe, woayahpeyapi hena okahnigap kahan heced okiciuwastepte he patokab uzapte. Manitoba ded wookahnigekin he taku tanka hece wowicakiyab, waunspewicakiyab he tokaheyakte – taku aopeyapteg he ikce wiasta woiukcan, wowasdodye, ehanna woyakapi, oihduhe nakun ehanna woicon – nakun wounspewickiya wowacinyapi ga tipi hena kagapte.

(d) Ounkiciyapi Okiciuwastepi – Ikce Wicasta, Unspa Wasicu, Sni Wicasta, Oyate kin nakun Oyanke kin hena wasicu ob ounkiciyapi okiciuwastepte kahan tokaheya ikce wicasta ista, wotawacin ohna wasicukin, ikce wicasta woksape, woop, ehanna woyakapi, oihduhe nakun ikce wicasta woiukcankin hena aopeyapte. Heced hena wokuwakin he aowicakiyekte. Manitoba okiciuwastepi kuwab he tokaheya ikce wicasta wasicu wicakage wacim hena uzuzupi wasicu wicakage wacim hena uzuzupi, woicon nakun wawokiyapi un owicakiyapi. Dena ikce wicasta, unspa wasicu, sni wicasta ehceda sni, Manitoba ataya tuwekasta unpi okihipi wokage kagapi nakun wawokiyapi wicakupi okodakiciye kin hena

ikce wicasta woiukcan wowanyanke unpte, he tokaheya. Hecum kahan heced wokuwaga, woopekin hena tuke ohna tuwekin owas aapewicakiyapte, waohodaya nakun taku ohna ecunmpkahan tuweda awicakiktunzaptetni nakun pahukud wicauzptesni.

(e) Ikce Wicasta nakun Oyate Wowapi Utanpi Wokiksuye nakun Okikiciuwastepi – Manitoba he Ikce Wicasta, Unspa Wasicu nakun uma Ikce Wicasta Oyanke kin hena ob wohdakapta kiciyankapi, tohan oitacan wopee kagaba Ikce Wicasta Oyate nakun Oyate Wowapi Utampkin hena aikyake kte secekahan.

(f) Maka Onazin Woiconkiysapi – Sumpa nakun oyate wokaga wowapi wiuze kin he, ikce wicasta makoce wotakuye iyeced ahopapkin Manitoba oitacan abdezapi, he taku tanka, hece toked makoce awanyankapta wowayciye kin hena owicakiyapi.

3. Tokatakiya Etonwan – 2017 Waniyetu Wanzi Woiconpi Wooyake Wowapi kin he tohanya aipi nakun waste ga es wastesni hena un wooyake kin he wowindakapte. Manitoba wicakehanh ikce wicasta, ikce wicasta oyate ob wohdakapte, okiciuwastepi wokuwa kin he taku tokaheyakte hena ob iukconpte, kahan hena tokata okiciuwastepi wokuwa kin hed unpte. Unciyapi Makoce Wowicake nakun Okiciuwastepi Waeconwicakiyakpi (TRC) Uecetupte (CTA) nakun Oyate Uokiwanzida Nanzipi Woyaotanipi (UNDRIP) hena taku tokaheya, oyate owas ope wicakiyapte.